

KODAK Gray Scale

KODAK  
LICENSED PRODUCT

M

Y

C



物  
輯  
畧

九

ル 5  
3610  
9





門 8  
號 3610  
卷 9

三州輯畧卷之九

藝文門下

天山歌

洪亮吉

地脈至此斷天山已包天日月何處棲總挂青松巔窮  
冬稜稜朔風裂雪復包天沒山骨峰形積古誰得窺上  
有洪濛萬年雪天山之石綠如玉雪與石光皆染綠半  
空石墮冰忽開對面居然落飛瀑青松岡頭鼠陸梁一  
一競欲餐天光沿林弱雉飛不起經月飽啖松花香人





三州車馬  
卷之九  
行山口雪沒蹤山腹久已藏春風始知靈境迥然異氣  
候頓與三霄通我謂長城不須築此險天教限沙漠山  
南山北爾許長瀚海黃河茲起伏他時逐客倘得還置  
冢亦象祁連山控弦縱遜票騎霍投筆或似扶風班別  
家近亦忘年載日出滄溟倘家在連峯偶一望東南雲  
氣濛濛生腹背九州我昔歷險夷五岳頂上都標題南  
條北條等閒耳太乙太室輸此奇君不見奇鍾塞外天  
奚取風力吹人猛飛舉一峯缺處補一雲人欲出山雲

不許

松樹塘萬松歌

千峯萬峯同一峯峯盡削立無蒙茸千松萬松同一松  
榦悉直上無回容一峯雲青一峯白青尙籠烟白凝雪  
一松稍紅一松墨墨欲成霖赤迎日無峯無松松必奇  
無松無雲雲必飛峯勢南北松東西松影向背雲高低  
有時一峯承一屋屋下一松仍覆谷天光雲影四時綠  
風聲泉聲一隅足我疑黃河瀚海地脈通何以戈壁千



里非青葱不爾地脈貫潤合作天山松松懸怪底一一  
直透星辰宮好奇狂客勿至此大笑一聲忘九死看峯  
前行馬蹄駛欲到青松盡頭止

抵巴里坤

南山高瞰城下復裂深谷巉巖千丈堞排齒入山腹晴  
天飛雪霰卽已沒車軸陰寒中人深肩背苦瑟縮千年  
留戰地往往鬼夜哭殘年風益暴客至裹重幄燈火集  
一城宵驚燭光綠

肋巴泉夜起冒雪行

北風排南山山足亦微動寒光亘千尺壁立雪若衝車  
箱沁肌骨清絕無一夢更殘欣出穴飛白壓衣重百里  
僅數家山房疊成瓮相將依爨火漿濁感分送人氣亦  
少蘇無如馬蹄凍

古城立春

短轅車逐短衣人萬里來尋塞上春識路未應呼老馬  
歧途先已泣孤臣雲邊一笛驚殘夢天外三山伴此身



肯把障泥容易澣就中猶有

帝京塵

木壘河

到得山村夜已迷窻櫺全不辨東西狼馴似馬憑鞭策  
鵲大於雞共樹栖穴鼠岸然欺客睡野猿時復雜兒啼  
峯峯塞路誰能究只覺檐前北斗低

安濟海夜起

夜闌安濟海波焰燭天紅迥異雲霞色都疑神火烘松  
杉開嶺末烏鵲繞圍中待得雞頻唱關門日始東

自烏蘭烏素至安濟海雪皆盈丈十餘日不見  
寸土因縱筆作

烏蘭烏素迄安濟十日見天不見地有時見雪不見天  
天與雪光原不異惟交日午與月午日月破空光獨麗  
皂雕如鵬排齒舞黑蜨象龍交角戲雙峯獨峯駝背濶  
三角一角羊頭細家牛渾乳酪尤厚野雉作羹膏過膩  
冰厓倏爾超百仞雪窟不須分四季狹哉豎亥東西步



笑絕唐虞朔南暨漢家亦僅開張掖惹得控弦益無忌  
何如

聖世中外一并斷匈奴左邊臂南庭北庭幕已空陽關  
玉關門不閉二千餘年方拓壤三十六國皆請吏尤欣  
棲畝盡軍實不爾開疆虧

國計溫都斯坦布魯特退木爾沙哈拉替脩眉羅刹久  
作汗戴角博羅都號比羣驅羊馬作互市從此番回悉  
衣被賜之瑰麗手加額日以酋豪頭戴髻昆侖去天纔

咫尺日月藉此相隱蔽金銀臺殿誰得過我欲乘風縱  
遊轡渾河入地波乍冽熱海逼冬泉亦沸山傾西北悉  
破碎河界天人此分際張騫鑿空乃得到伯益蹠實何  
其諦荒寒近始遭抉剔神妙誰能復思議元霜更在崑  
岡外手握龜蛇出人意只憐我亦老史臣振筆欲增西  
域記會看拓地過西海不使羣生有殊氣閩船已具千  
百艘宛馬益多三萬騎寒門銅柱親勒銘  
功德高於百王帝



呼圖壁

一日渡百河馬力亦已疲星光瀉空灘懸溜復四飛豈  
 惟乏纖鱗波急草亦稀渡旁茅屋中燈火已出扉騎馬  
 入土城夙與仙尉期佇聽鄉井談藉以慰渴飢兼聞徐  
 南昌時同年徐大令午亦納贖將南歸先時理征衣倘得合伴歸百驛  
 庶不迷語盡夜已闌當窻警晨雞

道白山口取小南路往哈密

一山傾欹一山斷宛轉前行入螺旋山頭雲氣復四飛

人行忽如蝨綴衣行完百里無一家荒寂並乏棲林鴉

黃羊上嶺客登樹相望遙遙徹天曙

是夕人馬依高樹下宿

道中遇大風避入山穴半晌乃定

白山之東絕椽瓦間有土房人亦寡雲光裹地衣裹天  
 風力飛人復飛馬馬驚人哭拚作泥吹至半天仍分飛  
 一更風頽樵者喚人落山頭馬山半

節節草店露宿

新雨乍傾飛瀑溜一尺水深疲馬瘦雙鞭齊舉馬忽騰



頃刻已過坡三層駝蹄峯前祇一家新月欲出峯攔遮  
車箱兀坐忘夜永腐齒猶能截堅餅

瞭臺三老柳行

自根及頂僅二尋老榦橫披忽千丈枝梢幸遇陂陀轉  
不爾居然勢奔放驅車覓路尤盤曲騎馬入林時俯仰  
風飄羊角忽迅厲枝撼鵲巢頻震蕩排空欲攫雷電影  
入暝爭言鬼神狀土人所言如此清泉竟爾流根窟飛瀑無端  
掛枝上半晴半雨勢乍分一榦一枝形不讓近看十戶

居民繞遠與萬林松翠抗鍊形或是倚丹井相近有丹井挺  
榦終須挾青嶂距村十里復掉頭攔路青葱尙堪望

題長流水壁

秦承恩芝軒

在昔伊吾郡遺踪說漢唐當年戎馬地今日黍禾鄉雪  
擁天山秀源分柳谷長老饜堪慰藉瓜剖水晶瓢  
忽見扶疎綠滿枝陰森匝地曉風吹十年多少栽培力  
路上行人知未知

甘州歌壬戌

和瑛大菴



朔風淠淠天山高弱水凍澀流沙焦行人到此縮如蝟  
况復西指瀚海遙老我崛強興不淺夜半起舞聽雞號  
欲寫胸中磊砢氣挑檠炙硯濡冰豪古稱秦折天下脊  
張茲臂掖霍嫖姚我

朝幅幘邁往古拓疆二萬

神武昭刪丹合黎今內腹削平版土蘇繖燒五十二渠

盡沃壤南蕃北部無喧囂斯民衽席奠厥始屈指旗常

輝斗杓聚米坪前孟心亭掃除賀逆如燻毛

順治二年賀錦據甘

州總督孟喬芳討平之心亭喬芳字也聚米坪在平涼馬援聚米為山谷畫策征隗囂處

次者喀喇

巴圖魯蜚熊更突八摑輶

康熙四年青海蒙古乞大草灘為牧地副將王進寶不可

謂大草灘為甘涼扼要與之不便乃白軍門靖逆侯張勇遂乘八摑車突往止之蒙古乃退進寶面黑號為喀

喇巴圖魯勇字蜚熊

草灘以北無椽帳黑河青海沉波濤嘻吁乎

邗連東下數千里終南直達州楚交軍容十萬勞七載

三帥齊名凌烟標愧予不能持寸鐵八聲甘州歌刁刁

更聞屯圖能代夢伊吾策馬鳴蕭蕭

戈壁道上



千里行軍匣養魚壺漿那管萬人虛閒情更著名泉譜  
爭識西來一勺無

汲得澄泉載後車不堪滿腹惜如珠陰陰默禱同雲雪  
却勝東坡調水符

宿安西州贈胡息齋同年

雄鎮大灣頭鳴沙第一州月氏秦漢蹟疏勒古今流地  
水堪容衆天山利建侯西陲靖戎馬那用帶吳鉤  
不唱陽關曲安西更有西風沙隨地轉雪嶺與天齊僕

馬貧能壯琴書老任攜子高原曠達揖別漫愁悽

沙泉

地寶澄泉湧平沙月臥簾有孚占習坎不滿見流謙率  
土甘漿渥行人潤德沾一瓢期飲腹那復問貪廉

哈密度歲簡胡息齋 癸亥

驛路七千二年華六十三伊吾除舊歲葉爾稅征驂 適

奉 恩命赴 葉爾羌辦事 戎俗春光闢勞人夜夢酣五更羊腓熟

爆竹聽何堪



涇渭真源譜天教二妙成

李石渠觀察著渭源記胡息齋著涇源記談經逾

鄭叟注水邁鄴生信有文章價能傳事業名河源採取

日更話月氏城

風戈壁吟

自梧桐窩十三間房至齊克騰木台四百餘里春多怪風

大塊有噫氣一息千里通巽二撓萬物折丹神處東風

穴地輻裂風門天關衝奇哉風戈壁勃發乾兌冲當夫

初起時黑靄蟠虬龍焚輪瞬息至萬騎奔長空石飛輕

於絮韜重飄若蓬靈駝識猛烈一吹無停踪我度瀚海

半屈指輪台中忽傳伊吾廬朶雲下郵筒

恩命撫莎車兼馭于闐戎泥首天山陽

聖慈廣憐懔改轍吐番道行李戒僕僮嫌燒絕滴水漱

我涇泉豐雪瘴凌氣海鼓我泰亦充天罡不可敵默禱

馮夷公巨料驅車日太清無織蒙野寮星月朗白鳳棲

梧桐支炷不暇炊忍饑馱鐵驄坐生已度想闕展變春

融乃知廣莫候太乙叶蟄宮履道獲坦坦無乃憐吾窮

原筮利西南努力往有功蜚廉不我戲此意感蒼穹



吐魯番

戰績侯岑說有唐西州名易舊高昌而今莫問童謡識  
日月年年照雪霜

喀喇沙爾大玉

喀喇沙爾東一百八十里烏沙克塔拉軍台有大玉三塊大者青色重萬觔次者葱白重八千觔小者白色重三千觔四輪車三輛俱置於路旁台弁云此玉運自葉爾羌西臣將以入貢嘉慶四年二月奉旨停運京師截留此台遂以土屋封蓋云

詔棄于闐玉埋輪蔓草蕪來從西旅道產自闕賓馮駕

鼓勞天馬投淵却海珠何如此頑石罷役萬民蘇

不刻摩崖字光明

帝德昭瑞同麟在野喜見鵲來巢崑璞完然古羌式逃  
矣朝鬼神半守護莫任斧斤招

海都河冰橋

喀喇沙爾城西南有海都河俗名通天河冬月冰凍甚堅車馬運過名曰冰橋

天造與梁穩春冰迨未開時正月廿八日馬騰銀漢上人駕玉

虹來濡尾狐猶聽潛波魚尚猜兩驂忙叱馭快似碾輕



雷

庫車

萬里龜茲國千尋佛洞山

城西六十里山有大佛洞壁經唐代古洞

觀音大士像壁刻漢借輪迴經一部唐人所為

城壘漢時殘

城東十里有土城一段漢時屯兵處

土甲榮奇木

回語奇木廣大也故其大頭目稱阿奇木伯克

田庚徒情蘭

情蘭者回

人中別種專為酋長養鷹鷂者今徙居此

天西無警燧那獨柳陳安

阿克蘇渾巴什河

城西五十里源出穆蘇爾達巴罕乃冰山也水自北來西南折東南流入蒲昌海

地坼長虹渚天開冷玉峯穆蘇融向日羅卜暗朝宗

羅卜

淖爾即蒲昌海周數千里潛行地中至星宿海復出為黃河源

一水今如席三軍昔若

龍鑿冰千萬仞懸度正嚴冬

將軍自伊犁度冰山

葉爾羌

羌城古塔綠陰屯

塔高十五六丈

名蹟曾探和卓園

節署即回酋和卓木

舊百戰風雲沉義塚

官兵戰沒合葬二塚高丈餘在城東五里清明致祭

九霄霜

月護忠魂

都統納木札勒參贊三勅建顯忠祠致祀

泰盡節於城中御製雙義詩勒碑記

呼鷹盡出桑麻里戲馬閒看果蔬村鎮撫羌兒高枕臥



雙歧銅角聽黃昏

回俗每於日入時鼓吹  
誦經其銅角雙歧兩口

洗箔

城東七十里

當年黠虜逞妖氛眾志堅城義薄雲欲訪黑河三捷處

逢人大樹指將軍

將軍兆惠被圍於此掘得米窖士卒  
堅壁以守逆酋放鳥鎗悉中大樹獲

鉛丸數萬後援軍至賊眾大  
潰內外夾攻今樹創痕尚存

詠園中五雁

天末隨陽鳥呼羣韻不孤稻梁寧素飽信義總同符曾

軼凌霄鶴聊親泛水鳧故應馴野性得桷也嬉娛

西度陽關迴從風翼力微寒經蒲海瘴暖逐玉山暉莫

厭銜蘆瘦行看飼糝肥氏羌同

化日况是弋人稀

四海心何壯來賓大食城

古稱月氏  
大食國

徘徊低顧影嘹唳

遠含情陣結秦雲斷行分蜀月驚定知兵氣盡安集少

哀鳴

喜聞川  
陝捷音

年華催雪羽小憇共園林點落書空字聲希別調琴南

翔饒旅夢北鄉識歸心願起能鳴侶



天衢送好音

見說隨軒舞依依戀我池似窺蘇武節更繫郝經詩養  
翮修翎日眠沙宿鷺時

帝鄉春色好太液好棲遲

玉河採玉

西極崑崙產琳琅貢

紫宸千觔未爲寶一片果何珍幟颺青雲杪人喧白水  
濱情蘭齊攫拾伯克競游巡自分澄心滓還須洗眼塵

琢成和氏璧良璞免沉淪

觀鵬搏狐

羨爾英雄姿羌中獨來往摩雲葱嶺低沸波蒲海廣蛟  
螭入水搏虎豹出山攘藐茲狐兔羣聊以燠爪掌

獲白玉重三十八觔

天璞盈鈞重攜從關勒東韞藏山有力滌宕水居功未  
必連城貴由來任土供昔年曾抵鵲爭識氣如虹  
聖主賢惟寶長城倚四隅漫誇虞愿石敢詡孟嘗珠絕



域人磨玷遐方象載瑜豐年寰海報多勝玉膏輸

關勒山書事二十四韻

玉圃東南蛻撐霄彌勒台

關勒山又名彌勒台崑崙東幹

河源三疊上

河源自温都斯坦西北大山中流出至此五千餘里勢若建瓴出峽為玉河曲屈流三千餘里至關展東南入

羅卜淖爾即蒲昌海也潛行地下天柱九區開

至星宿海復出遶積石山名黃河

崙山天中柱也此其東麓鱗次龍沙坦

凡內地諸山皆從此分脈

番關展哈密迤西戈

壁悉在北天山之陽

北之岡底斯雪山古稱鷲嶺

佛書耆闍崛又名阿耨達山

巴延山似礪山自和闐東

番族名巴延喀喇達巴罕山南為草地

金沙江南幹諸水之源山北為星宿海

淖爾一名黜

禹力不能到

鄜經猶未該閉關元宋小遺

澤又名鹽池

壘漢唐猜

聖德敷光遠

神謨決勝裁馬懸葱嶺度人跨斗牛來四紀銷侵侮雙  
星重撫徠澤臨宜不雨回地賴渠水灌田歲不地豫豈  
無雷葉爾羌古號無雷國近戎俗休輕革羌心在久培  
歲時知有慶年穀未聞災厥貢輝千仞其琛並五材靈



山寧愛寶頑石也爭魁犖确披無算瑕瑜辨幾枚漫矜

懷璞客愧少勒銘才牙帳占烏靜霜臯獵騎脰維婁依

樹底烟火入雲隈百寨安温飽千夫聽溯洄不須刁斗

衛更絕羽書催籠瀉青珠掛謂葡萄盤盛火齊堆謂石榴花

瓜方密醴甜瓜西瓜冰果亞瓊瑰冰蘋果經夏雪凍復長青赤若琉璃香芬

耐久役罷秋容老詩成午夢回崑崙人罕到咫尺問瑤臺

祭河神

水伯來天上中原四瀆宗清搖銀漢影淺步玉沙踪萬

里奔如馬千年矯若龍星池穿一綫砥柱圻三峯岩石

功猶小安瀾德最崇心香祝靈府順軌佐

皇封

英吉沙爾 甲子

斗大孤城兩面開能量千萬斛牟來地傳依耐虛遷國

古依耐國河繞圖舒任剪萊圖舒克塔什河由城西萬

馬昔懸葱嶺度西通巴達克山部我軍百花今傍柳泉

栽城南有柳樹羌登祗席歡無比羯鼓年年鬧古臺城南



十里兆公臺  
回人四月間  
遶台歌舞

壺天園臥遊閣  
喀什噶爾

北牖壺天景  
丹青筆筆留  
夕陽孤榻滿  
遠岫一房收  
臥治才無補  
遊觀興足侔  
揮絃頻悵望  
塞雁已橫秋

四照軒澄心潭

欲洗囂塵眼  
澄澄水一方  
清虛觀內景  
靜泰發奇光  
倦鳥憑空宿  
游魚徹底忙  
莫輕投片瓦  
穀皺總汪洋

巡邊宿阿斯圖阿爾圖什  
乙丑

霾雲土雨釀  
花繁默克人  
家和卓園早  
是莎車登祚席

更於疏勒樹  
屏藩葉爾羌漢莎車國喀什噶爾古疏勒國邊沙夜靜馬蹄

印嶺雪春消  
雁爪痕憑仗

天戈揮月窟  
此邦永覩舊兒孫

伊蘭烏瓦斯河

春林繫馬戍  
城閒椽帳團  
團綠水灣無  
限長蛇全蟄戶

其地多蛇定傳啞虎會  
巡山

布魯特酋長  
獻鷹馬却之



三州雜畧 卷之九  
絡馬鞚鷹獻使君使君笑卻意何云穹廬夜不驚雞犬  
便是祥麟威鳳羣

圖舒克塔什河

輕車軋軋碾金波水面春寒料峭多縮地黃河穿九曲  
一朝九渡快如何

喀浪圭

不見人烟只見駝一叢田鼠拜荆窠罕并路趁經商遠  
古稱罕并即勃律名傳別種訛布魯特即古之此日屬今安集延部勃律音譯訛也

帷懸庫露幾年駢酪憶蓬婆磨牛步步皆陳迹爭比崎

嶮厯落多

烏什城遠眺

百戰經營漫負嶮尉頭幾換古名區泉開楊柳枝頭水

城南有柳樹泉水自樹孔山抱驪龍領下珠山勢自東而西蜿蜒中流出蓋數千年奇景也  
如龍形東向突起絕國牛羊今受牧降王雞犬昔遭屠  
一峯城適當其壁  
謂賴黑木圖拉之變丁寧旌節花開處長使春暉入畫圖

恩召還都恭紀七律 丙寅



天西兀兀守殘暉許拜

溫綸駟馬歸臺選身名叨齒錄冠加孔翠勝牙緋心清  
不魘升沉夢力定能占下上飛六十猶癡臣未老年開  
七秩勉知非

別巢燕

林間幕上繫危情自到閒堂夢少驚卵育一方真樂國  
不勞銜土更培城

渡海茫茫事見猜寒冬應蟄白龍堆邊庭絕少屠酷汁

豈有爭巢野族來

離羣玉鵲與誰徒君子堂前托抱雛小智漫誇明戊巳  
世間他事了然無

梁上棲遲弱羽拳烟霄直達喜聯翩徠城別爾先秋社  
記爾飛曾過酒泉

曉起喃喃教語頻相要秋去返來春誰知燕燕秋爲客  
送客還鄉作主人

明窻几硯飽窺予萬里爭煩繫足書此日相拋情脈脈



剩看靈羽集承廬

回首春明路正遙  
鷓鴣舊壘恐漂搖  
歸心欲倩烏衣使  
助我雲軒勝馬輶

西塞荒涼四度秋  
裁詩權作蠟丸留  
他年偶憶呢喃語  
含翠堂前到也不

三堡口號

哈密西

一派霜林近小春  
荒亭容膝意何親  
六千沙磧開顏處  
得見黃花似故人

苦水驛守風簡成誤菴侍郎

土口截祁連空輪一噫旋  
輜車輕似羽砂石颺如綿  
水絕猶名海風行自信天  
莫愁平地險說輻穩於船

水以甘爲美無端耐苦泉  
風饕低撼地雪虐遠兼天  
貼

席仍成寐

行李未至

挑燈不碍眠  
寒窻吾舊業得句興依然

馳驛返宿苦水

自涼州復出關

玉門重出感殘年都護

恩綸降自天遙指北庭  
心膽壯再嘗苦水是甘泉



聞城上海螺 烏魯木齊

書劍孤懸物外身  
曉窓寂寂少閒塵  
忽傳別調西風裏  
喚起天山渴睡人

祁連南北兩吾城  
咫尺鄉音萬感生  
春度玉門關外滿  
不須聽作戰場聲

博克達山

博達神臯擁翠鬢

北天山之中三峯  
聳抱高出羣巒

晶瑩四望白雲間

南路吐魯番望之在北  
蘇巴什台望之在東  
北路巴里坤望之在西  
烏魯木齊望之在東  
遙臨地澤

千區潤高捧天山  
一掬慳彌勒南開晴雪圃

彌勒岱又名闕勒山

即玉山葉爾羌西南

穆蘇西接古冰顏

穆蘇爾達巴罕在阿克蘇伊犁之間即冰山與此山

相連鍾靈脈到伊州  
伏為送羣峯度玉關

山至哈密北鹽池山截然而止

伏入地中所謂錫爾哈戈壁也由星星峽過脈東南復出為嘉峪關內之南祁連山

與顏岱雲同遊紅山

成林 荷園

我自西方來無心問風景  
迢迢一載程晷刻少寧靜到

此說紅山上建招提境相約  
去同游散步巉巖嶺登臨

放心目天空忘形影清風徐徐來  
促坐酌香茗俯瞰有



城村炊烟分竈井水紋動簾幕山黛耀明靚叢樹通市  
闌淺溪絕漁艇清談有同志心脾爲之醒擬作他年話  
且消今日永誰識此時情相將共引領

復同赴智珠山小集

留心學內典渾俗原無碍戒行全不知根塵曉梗概天  
外來故交彼此益相愛歷落盡天真時露風流態祇宜  
大白浮不覺是荒塞平生邱壑心悠然暗相會一醉天  
地寬那知中與外

丙寅除日

顏檢岱雲

此行欲出陽關去此日且向西涼住西涼風景問何如  
綵貼宜春歲又除詰旦行年五十一身經一萬八千日  
萬八千日數再巡康強祝爾百齡人

新正四日由永昌縣至水泉駟感懷

去年白泉任寺古聽泉鳴去年居易州之白泉正月四日命燾兒偕汪少海孝廉赴

龍山寺讀書今日水泉宿山高空水聲已行三月路惟願一

春晴計仲春望後方可到戌眷爾燕臺客緘予塞上情



宿鹽池駟

郵亭息征馬夕陽山半銜暮雲忽暝合明月生庭簾東  
道具雞黍庖人列羹鹽欲語食中味其如殊酸鹹

由肅州至嘉峪關

山外環山望未真蒼茫烟氣逼嶙峋出關半是青雲客  
行路多憐白髮人草貼浮沙埋亂石車橫長軸駕寬輪  
殷勤策馬邊墻去域外風光領畧新

嘉峪關

關雄鎮拱北水逝潛朝東極目流沙外同居化宇中天

山留雪白邊市映燈紅

時正月望日也

出塞無惆悵還思塞上

翁

由惠回堡過赤金湖至赤金峽二首

荒途無人烟岡陵自重沓颯颯邊風號莽莽黃沙壓人  
從烟霧行馬向冰凌踏九溝十八坡一步一蹠蹶昨聞  
土人言口喘神亦懼我謝彼殷勤怡然笑而答久作行  
路人艱險頗與狎秣芻命倌人行矣心無怯不惜馬虺



隕但覺蹄馱駱朝餐赤金湖暮宿赤金峽  
倚山自成峽無水乃名湖弱沙載雙轂乘車如乘桴我  
從峽上觀雲龍氣相噓車從峽下過若舟出巫瞿屋在  
峽之陽村人聚族居日居赤金地可有黃金無笑予入  
郵舍西山日未晡擎杯酌孤酒舉箸嘗新蔬僕夫交相  
慶出險趨坦途坦途本蕩蕩戚戚胡爲乎

由安西至白墩

我不能如霍嫖姚燕然勒石勲名標又不能如張博望  
河漢乘槎來天上負罪謫居出玉門敝車羸馬相朝昏  
邊風自送行騎去廣轍但看流沙痕安西城頭望曉月  
白墩堡外融寒雪荒程百里無人烟芳時空度初春節  
我馬踏草如踏花我車碾冰如碾沙日涉坦途走大漠  
何如平地生褒斜

出紅柳園

騎馬朝辭紅柳園蒼茫霧氣曉猶昏新正晴暖多如願  
舊日襟懷且莫論

年姪王辛叔同行每謂予曠懷不殊舊日故云曠野無林飛



鳥斷空原有路大車奔予今自笑雙行脚了却雲泥不  
著痕

大泉至馬蓮井二首

不盡西陲路征車日日過窮邊居室少弱草受霜多  
輶廣輪徐轉沙平輞細磨請纓非有志出塞竟如何  
猶是敦煌境荒郵三宿間春光前日度雲跡幾時還  
早磧泉多涸童山石亦頑星星留古峽詰旦更追攀

宿沙泉

路上半沙磧山中寧有泉水懸車一簣人憇屋三椽墻  
角喚新鳥几前寒舊擅天涯不岑寂展篋理詩篇

宿苦水

昨日宿沙泉今日宿苦水沙泉泉不甘苦水水非旨水  
胡以苦名事則以實紀以此例沙泉純盜虛聲矣日午  
聞村雞我車適至止茶爐手自烹松炭烟徐起挹彼峽  
水來車中攜星悟徹清冷指古琴和者希獨彈有妙理  
澹味知者誰交深莫與比悄悄證素心穆然思君子



長流水二首

漢槎人已往唐鎮跡仍留不少去來客都懷今古愁  
三春鶯半度一水竟長流好把輕瓢浥烹泉酌茗甌

暫息輪蹄處邊村落日斜簷前棲怖鴿樹外聽歸鴉繞

屋垂溪柳當春放野花此間有佳境原不異中華

自安西來

絕無林鳥惟此處有之

由長流水至黃蘆岡

東方欲明曉星起晨雞喔喔鳴不已鞭絲遙指黃蘆岡

一日征程八十里馬足蹴踏浮沙間春風蕩漾春光還  
朝曦初射邊方路積雪微明塞外山山色莽莽雪分界  
我來看山如看畫白雲當空如雪霏白雪在山如雲掛  
雲滿山腹雪滿巔奇觀還結域外緣正若窮探香雪海  
瓊英玉屑堆青天方今四海盡涵宥準回諸部置亭候  
西緣葱嶺北沙陀重譯而來爭輻輳我從馬上瞻遙峯  
峯峯環列如附庸詰朝行過南山口濤聲入耳聞青松

由南山口至松樹塘



南山之南山岩巖滿山白雪堆瓊瑤我從山口入山去  
直欲置身絕頂捫青霄所在皓以潔入目清無巖危峯  
互高下怪石爭礲礮十里五里時有疎林相掩映還聽  
冰融春澗潺湲一水鳴輕濤輕濤殊不惡游禽亦自樂  
幾陣烏鴉繞樹飛忽聞雌雉山梁作引領望山梁高處  
生寒光崩厓欲斷不得斷凍雲如臥還如僵雲接山峯  
峯積雪混然一氣含蒼茫山靈招我顧我笑微風拂拂  
恍惚相引來天閭亂山東車路山鳥導先步步步入崔

嵬一步一迴顧迴顧已失嶺下村峯頭復見青松樹松  
樹爭籠蕤樹樹涵烟容嗟我月餘不及見對之能勿開  
心胸心胸開坐莓苔松風入耳聲悠哉風聲松聲相喧  
厓一鞭遙指頂上來頂上眞竇崇高立孤廟羣山相  
與環旭日臨空照觀者於茲嘆神奇愧我塵踪今亦到  
此山穹窿自今古我來俯仰還憑弔廟中却立循階墀  
廟外躑躅觀唐碑碑文漫漶字殘蝕碑石斑駁光陸離  
匆匆拂拭不能盡其詞詞中約畧惟紀侯姜師侯姜師



績不足尙貞觀事業猶於千載想見之驅車下山去短  
橋復幾度山雪溪雪白有痕嶺松澗松碧無數君不見  
盤旋屈曲如游龍當空一落奇勢飛動多橫縱又不見  
虬髯巍巍直立致天矯獨以瘦硬鐵骨支撐寒漠奮鱗  
爪或且謾謾如鳴籟或復亭亭如張蓋參差厯落不知  
幾經春坐閱往來過客同漚塵孤幹貞心總不改蒼顏  
翠黛終有神松兮松兮孰與寫其真竟與天光山光相  
噓相噏浩渺通無垠去路何迴沿四面凌巘岈鑿石以  
開道盛夏猶餘寒縈紆山勢曲而曲毗連磴道盤復盤  
圍以石墻垣繚以木欄干緣溪絕窈窕何處聞譁喧悠  
然雪徑開三三鬱然松蔭青氤氳雲迷北山北路越南  
山南人影亂移樹影靜後車還接前車談前後車遙長  
亘里聲息相聞僅如咫尺纔看古幹橫馬前倏仰喬柯出  
雲底憶昔宦南滇曾上哀牢山哀牢山頭老松數萬本  
松花松葉落地如鋪瓊清陰下跨驄馬款段徐行神瀟  
灑飄飄一若登仙者今日坐松間又似重游也乃知人



間清閒真境不易得得之往往在於寂寞荒涼之窮野  
日落晚風涼人來松樹塘眼波集暮景鼻觀聞林香山  
峩峩兮水湯湯雪皚皚兮松蒼蒼安得此間買田一二  
頃終吾身兮以徜徉

巴里坤

背郭嶺嵯峨環城海不波鎮西新府治拱北舊沙陀事  
紀唐貞觀碑留漢永和裴公遺蹟在悔未一摩挲

由巴里坤至讎泉

圖成西域壯山河

國朝有西域圖志

邊外巖城氣概多蜃海樓

臺呈色相

郡城面蒲類海常見蜃樓海市

漢唐疆宇盡包羅片雲度漠

隨征馬叢草依原散野駝泉上傳餐泉上宿林泉滋味

竟如何

是日在孤拐泉朝食宿於讎泉

由木壘河至東城

紅廟東來第幾程

烏魯木齊俗呼為紅廟子

興人衝曉復遄征途多

曲折車隨轉澗有高低雪壅平萬里自安游子遇三春

欲動故鄉情好將餅餌充朝食鞭指奇臺

東城口至奇台縣四十里



趁午晴

濟木薩晤莫遠厓明府

惠我音書閱幾秋 緘情遠道叙綢繆 遠厓宦楚常通音問 康莊汗

馬還多蹶宦海風帆不易收 同里扳予終席話 大荒憐

爾六年留 遠厓於壬戌年到戌所 天山雪擁春深後 可有重縫耐

冷裘

抵烏魯木齊

車循西城路 我到鞏寧城 烟火千家望 春波一水明 寺

依山遠近坡 接樹縱橫息 影二椽屋樓頭 聽角聲

寓城南行館四首

烏壘城南寄一廬 呼僮隨意掃階除 車停塞雪消晴後

我到春花報信初 時杏花初蕊 萬里心情憐去國 幾人出入

尙聯裾 成撫軍公方伯俱同在戌所 無多家具自安放 一枕悠然酣

睡餘

八月馳驅過驛亭 余在途已八閱月矣 耳中猶似聽征鈴 收韉駐

馬身初穩合眼觀空夢 早醒半面遠山常入戶 戶正對靈應山



一株嘉樹恰當庭閒雲歸岫林投鳥笑我清心豁窈冥  
數弓矮屋稱吾廬惜少空園種野蔬遙塞泥鴻仍作客  
故人子弟喜同居時有年姪王辛叔同來風來柳下觀隣奕月到

窓前讀我書一樣棲遲供嘯詠閒中滋味又何如

戶外纖纖草漸蘇春深小雨復霑濡欲張竹幌延新夢  
日看菱花認故吾去日已多年向老古人相對境寧孤

息廬余居白泉齋名回憶林泉好桃柳於今滿綠蕪

出城望紅山二首

城東門前路迤邐見紅山山上滃白雲山下流清湍千

澗滙厓谷雙橋聽潺湲浮屠凌空立佳境欣追攀

三峯插玉笋到眼堆瓊瑰可望不可即寒光相縈迴紅山

頂望博克達山三峯積雪高插雲霄鐘聲出蘭若木石無塵埃願得日扶

杖還與參禪來

題亦吾廬都護和太菴先生顏寓齋曰亦吾廬

出門乘一車入門觀羣書夜露溼墻樹晨鳥翔庭除在  
物無不足於我常有餘此身寄天地悠然樂吾廬



松桐吟

澗松無好花園桃爭顏色  
桐幹無附枝柳條爭拂拭  
三冬成其陰歲寒不改心  
一琴適其用調古不改音  
回憶同生初桃柳今何如

誄硯

與我結夙緣未嘗須與別  
風度易水寒篋餘天山雪  
於茲共晨昏賴爾徂歲月  
情同關山長意若江湖  
悅錦茵不沾塵勁筆還屈鐵  
何意賞心違文房不爾設  
墮地聲

鏗然亦似唾壺裂憶昔蘇長公  
易硯作劔說

東坡以銅劔與張幾

仲易龍尾子石硯

龍尾與赤蛇

東坡詩我家銅劔如赤蛇

妙物皆奇絕以彼

而易此永好兩相結新詩若懸河  
餘波不能竭

永以為好譬之

桃李與瓊華又那將屋漏供懸河又試向君硯求餘波皆東坡句也

惜我非蘇才出言愧

詞拙周旋亦已久懷抱未能輟  
德性本堅貞風流何銷歇  
愛爾磨不磷憐爾剛易折  
作誄明相思用以箴吾缺

效古

送君一寸心隨君萬里外  
此日成遠離何時復良會  
園



三州車畧 卷之九  
花爭時妍愁人無好顏  
禽亦巧語我懷爲誰宣

呈都護 和太菴先生

萬里西濛境 輶軒採訪真

先生曾作回疆通志及西藏賦考据詳而且確近又纂

烏魯木齊志書

從知持節使 不愧讀書人  
裘帶今儒將 襟期古

大臣不才慚鈍拙 尙許接文茵

立秋日過都護署復呈 太菴先生

一榻羅書史 千秋有寸心  
開軒納涼意 論世暢遙襟  
不厭多時話 如聞太古琴  
欽醇我先醉 豈在酒杯深

塞上曲

李鑾宣

石農

莫翻舊譜譜 伊涼野氣昏昏日  
影黃一領羊裘便消夏  
邊城六月有飛霜

肅州二首

犄角關山百戰深 龍沙西去入窮陰  
一州劃斷天中外 六合同維世古今  
班馬有聲風獵獵 烽烟無警晝沉沉  
征人欲去頻搔首 寒色蕭條暮靄森

玉門萬里罷封侯 不用兼金買紫騮  
古塞黃雲如陣合



三州雜錄 卷之九  
天山白雪化溪流荒烟一片迷衰草畫角千聲起夕愁  
篋裏殘書壯行色寄聲關吏莫勾留

感興

親老兒遷謫離思觸萬端窮愁著書易明哲保身難日  
落寒鴟叫天高健鶻盤輪台風颯颯何處著南冠

烏鴉曲

朝聽烏鴉鳴暮看烏鴉宿烏鴉呼其雛飛上誰家屋

嘉峪關二首

睥睨曉蒼蒼雄關扼大荒版圖通月竈形勢鞏金湯積  
雪連雲白流沙射日黃丸泥無所用綿亘塞垣長  
春風吹不到抬眼見天山一萬八千里流人過此間莫  
須驚遠戍猶復冀生還去去頻回首行行今出關

相逢行

男兒無家復無室萬里投荒成決絕酒酣拔劍歌忽哀  
歌罷涔涔淚流血淚本爲生別滋上有老父下無兒  
人生百歲已過半塞門一出何時歸道逢一叟目已眊



三州轉峯 卷之九  
滿面黃塵埋七竅問之亦是成邊人草草歧途相慰勞  
自言家住閩海東母年八十雙耳聾一子前年海上死  
一弟消息久不通一女十五尙未嫁吁嗟遠徙天夢夢  
我聞叟言淚不止等是生離不如死爾有母兮我有父  
爾有女兮我無子骨肉乖違魂夢隔世間離別那有此  
叟也前致辭勸君莫深悲君曾爲顯仕何故貧如斯我  
言叟乎爾弗知膏粱醉飽皆民脂不忍民間一路哭遂  
令八口寒與饑八口饑寒且勿顧有父不養何以生我

爲蕭蕭白日氣慘淒關河四面望欲迷悲風捲樹樹欲  
折但見荒烟蔓草不住寒鴉啼

索科鄂模古居延澤禹貢導弱水餘波入於流  
沙卽此系之以詩

淳淳居延澤弱水之所注天寒冰未泮銀海戲鷗鷺上  
流無懷襄不激水不怒下流無尾閭不洩水斯住流沙  
浩漫漫沙邱莽回互餘波漸漫滲伏地作沮洳是以謂  
之弱溲溲窮陰涸耳食始何人一誤復再誤負芥旣不



能浮杯又安渡瀛洲與方壺蓬萊在何處山能隨風搖  
水將奚所附三復禹貢書淵流吾其游

玉門縣二首

行行玉門縣不見玉門關陽關更何處往蹟難追攀

聖朝一區宇析支戶庭間刁斗靜不設角弓弛不彎飲  
馬居延澤驅馬祁連山山有太古雪望望凋朱顏

積雪搖光晶赤日不能曛荒陲鳥獸絕天寒行旅斷百  
里無人烟沙深欲沒臂長刀短後衣黃塵撲滿面玉關

冀生入古人發長嘆行矣毋逡巡從軍吾所願

宿安西州

曉起風未息門外猶揚沙繫馬閉門坐城上吹清笳笳  
聲何嗚嗚風聲何颼颼班馬何蕭蕭饑鳥何啞啞萬籟  
不肯靜千聲同一譁嗟我如螿蟲坯戶天之涯

瀚海歌

莽莽兮無人浩浩兮無垠寥寥蕭蕭不知延袤幾千里  
行人過此惻惻生悲辛無秋無夏無三春無飛無走並



三州車畧 卷之九  
無介與鱗無草無木亦無水與薪凝睇何所見但見沙  
中細石瑋且璘抬眼何所見但見天山雪積高嶙峋陰  
雲黯黯掩娥魄頽日慘澹埋羲輪曠野時時露白骨深  
夜往往飛青燐有時怪火出燭天之燄逾日星有時怪  
風起焚輪之勢搖蒼旻鳴沙射人石噴雨苦霧匝地天  
無津人馬當之破空去失勢一落千丈萬丈爲埃塵不  
然流沙壓頂人與馬俱斃新鬼舊鬼一旦嗟沉淪君不  
見沙行如龍際天表祁連邊之怒猶矯誰治瀚海作桑

田天荒一破乾坤小

長流水題壁

朝過長流水暮過長流水流水流不休行人行未已

哈密四首

高山連闐勒古郡控伊吾地遠天難盡沙明海不枯舉  
頭飛鳥沒回首片雲孤牽馬入城市言尋賣酒壚  
東接燉煌郡南連吐魯番咽喉通月窟衣帶俯河源日  
影春城暗風聲戍角喧太平無絕徼中外一屏藩



回紇今奴隸

天朝世受恩屯田疏柳谷戎索參花門衍教尊和卓繙  
經拜阿渾狄鞮歸戶闕不許塞塵昏

村落如碁布炊烟屋上斜耕田多服馬戽水不懸車錯  
壤平宜稔衡門半種瓜停驂揖老叟暫與話桑麻

薪槁嘆

松林雜沓如蝟毛林端不住飛雲濤雪山雪白松亦白  
松意欲與山爭高惜哉樵採無厲禁坐使歷劫仙難逃  
十年之樹不及待薪之槁之同蓬蒿松兮爾何不居秦  
山之巔華山麓沐日浴月凌霜皁何爲托根窮徼外飛  
鳥不得安其巢松兮松兮願姑免此斧斤斲爲棟爲梁  
天所篤知爾原非不材木

巴里坤城北尋漢永和二年碑

竟斷匈奴臂穹碑勒此間星弧彎夜月鐵馬駐天山斬  
馘誅呼衍全師入漢關至今捫古碣血漬土花斑

沙山來



沙山來高崔嵬苦霧四塞慘不開黃雲匝匝黃塵覆坤  
維忽裂聲轟雷人馬駝牛生便埋吁嗟何地求遺骸沙  
山去石如雨飛廉噫氣箕伯怒白骨青燐亂無數霎時  
飛去霎時仆人馬駝牛不知處吁嗟何地爲邱墓十月  
烈風饗烈風烈如刀人行墮指馬縮毛五月熱風煽熱  
風熱如燒燭龍當午焱輪颺火山燠烏皓切雪山皎冰天  
火地無昏曉盛暑猶凝太古雪一片寒光寒不了海非  
海兮山非山熱非熱兮寒非寒儵而來兮忽而去去也

無跡來無端土囊竟從地底破羊角不向天衢搏書生  
終日閉門坐焉知六合以內六合以外咄咄多奇觀我  
欲竟此曲此曲凄以繁平沙哀哀車班班側身東望雲  
漫漫

白楊河望博克達山

開門見南山南山雪壓頂萬丈琉璃屏激射日光冷晴  
雲起山腹匹練繫如縷高峯突過之怒氣結成癭如馬  
困羈勒欲騁不得騁迷漫遍山谷頃刻幻奇景近山含



光晶遠山澹微影雪附山不孤雲動山逾靜此中分界  
畫諦視頗井井銀漢浩茫茫一色納諸嶺

抵戍

竟到輪臺戍

君親夢未忘邊庭嚴鼓角春夢感滄桑屋漏踈星入燈  
殘黠鼠忙閉門宜省過不敢更思鄉

輪臺卽日四首

靈山晴擁玉蓮華顯氣稜稜入望賒一萬雄封今郡縣

三千弱水古流沙碎雍鐘鼓開荒服苜蓿葡萄陋漢家

濛汜輪誠箕斂福

聖朝醲化本無涯

畊田鑿井太平民莫問條支與罽賓拓地屯猶分戍已

罷官人自守庚申重城犄角溪光繞萬竈如鱗板築新

瀚海維隍玉門闔

堯天處處是陽春

庭州原是古輪臺有客登臨倦眼開征雁背人書字去



亂峯如馬入城來  
貿遷強半通秦晉  
函夏難容宅準回  
望斷長安天際遠  
一回凝睇一徘徊  
偶向郊坰跋馬過  
斷烟衰草奈愁何  
三峯疊雪晴如畫  
雙塔摩雲水欲波  
沽酒帘前人語闌  
夕陽城下柳陰多  
請纓畢竟書生志  
不得封侯便荷戈

物產門

謹按天不愛道地不愛寶萬物生生不已大造之  
所以無盡藏也蓋五行之精各以其氣應八方之  
產各以其類從以五行合八方之卦水火以氣化  
而各一金木土以形成而各二故坎離主水火震  
巽主木乾兌主金坤艮主土其生物也陰陽剛柔  
之質於是乎始備今考西域當乾兌之位爲馬爲  
羊爲玉爲金爲冰爲木果爲澤爲附決爲剛鹵莫



不以氣應而以其類從姑取耳目所及以志其大畧云

喇嘛門

金

乾隆三十六年提督巴彥弼具

奏查烏魯木齊所屬瑪納斯地方南面一帶入山伐木之人常獲金塊又瑪納斯西接庫爾哈喇烏蘇山勢綿亘數百里沙磧內有金屑顯露必有金沙苗線可尋現在委員踏看如果金苗旺盛再行開採嗣經徐績雅郎阿等查奎屯河上游山中創見金屑令三十九人淘洗七日得金一兩五錢八分



又於呼圖壁河上游令二十五人淘洗五日得金六錢六分

乾隆三十七年伊犁將軍舒赫德查土爾扈特郡王巴木巴爾等游牧與淘洗金沙之河相距三十餘里安設卡倫可否撤回洗金兵丁仍令屯田於土爾扈特游牧無碍等因具奏停止四十七年都統明亮具

奏迪化州所屬南山一帶並奎屯河呼圖壁瑪納斯

庫爾喀喇烏蘇等處依山傍水間產金沙設立司金局發給民人路票入山淘洗金沙交納金課四十八年都統海祿具

奏裁汰司金局改歸鎮迪道總理各州縣承辦

迪化州屬

東溝口廠 東至馬圈溝西至頭屯南至後硤北至水西溝

金夫一百九十名

水西溝廠 東至雪山根西至三盆口北至大拉牌南至馬圈溝



金夫一百七十三名

白楊溝廠 東至東溝口西至後碛南至綉沙嘴北至草達坂

金夫五十名

綉沙嘴廠 東至水西溝西至後碛南至白楊口北至駱駝脖子

金夫七十名

頭屯廠 東至照壁山西至西盆南至三盆口北至勞壩灣

金夫五十五名

駱駝脖子廠 東至大拉牌西至河沿南至綉沙嘴北至破門子

金夫二十五名

大西溝廠 東至河沿西至草達坂南至破門子北至卡倫

金夫九十名

以上七處共金夫六百五十三名每名每月交

課金三分共課金一十九兩五錢九分

昌吉縣屬

三屯廠 東至廟兒溝西至呼圖壁廠南至山峽北至草達坂

金夫二十三名



呼圖壁廠

東至三屯廠西至清水河南至山峽北至溝口

金夫二十三名

以上二廠共金夫四十七名每月交課金

三分共收課金一兩四錢一分

綏來縣屬

烏蘭烏蘇博羅屯古廠

東界紅柵南界南山山西界金屯北界戈壁

大金夫二十二名

紅柵廠

東至清水河南至達子橋西至烏蘭烏蘇北至瑪納斯

金夫四十八名

達子橋廠

東至清水河南至南山山西至烏蘭烏蘇河北至紅柵

金夫三十四名

以上三處共金夫一百四名每月交課金

三分共收課金三兩一錢二分

庫爾喀喇烏蘇屬

濟爾噶朗廠

南北直溝一道南至腰沙台子北至大崖頭東至本溝山西至本溝山

金夫二百九名



奎屯廠

南北直溝一道南至三道河北至九間樓東至本溝山西至本溝山

金夫二百一十名

以上二處共金夫四百一十九名每名每月交

課金三分共收課金一十二兩五錢七分

各處金廠通共金夫一千二百二十三名每月

共應收課金三十六兩六錢九分

鐵

乾隆二十七年辦事大臣旌額理等具

奏烏魯木齊每年各屯所需農具俱由內地運送今

陸續遷移民戶所需農具較前倍多若得本處產

鐵鎔鑄打造可省內地輓運之煩隨詢悉喀喇巴

爾噶遜昌吉河源等處產鐵隨調取吐魯番回子

鐵匠四名帶領厄魯特等前赴昌吉河源創獲鐵

一百餘觔鎔化試鑄農具尙堪應用再調取內地



善炒熟鐵匠役令其打造農具器皿較之由內地  
輓運大為節省三十年辦事大臣伍彌泰具

奏查現在鐵廠每月計出生荒鐵四千八百觔一年

可得生荒鐵五萬七千餘觔生熟鐵器均能鑄造

派遊擊同知二員在廠總理嗣後改歸迪化州中

營參將管理

嘉慶十二年止實存廠荒生鐵五十八萬五千八百

四十觔三兩

銅

伊犁山中產銅設爐鼓鑄錢名寶伊通行烏魯木齊

巴里坤等處又南路例有運送伊犁銅觔

阿克蘇有土銅廠下銅廠兩處鼓鑄普兒錢各回城

行使至托克遜止

煤

迪化城附近廣產版炭煤之類也白烟者為上黑烟

者次之又巴里坤北亦有煤密軍民甚便



玉

乾隆五十四年封閉瑪納斯綠玉廠禁止開採

嘉慶四年奉

上諭葉爾羌和闐等處出產玉石向聽民間售買並無  
例禁明文因高樸串通商販採買玉石案內始行定  
例凡私赴新疆偷販玉石卽照竊盜例計贓論罪原  
非舊例所有况仍有偷帶貨賣者今查案內因此拖  
累多人朕心殊爲不忍著照刑部議嗣後收買新疆

玉石無論已未成器概免治罪欽此

瑪納斯城南一百餘里名清水泉又西行一百餘  
里名後溝又西行一百餘里名大溝皆產綠玉

鹽

鹽池海子二處鞏寧城南二十里至一百二十里  
大小淖爾產鹽如晶堆積岸上不需熬淋味甚佳  
軍民取食甚便

飛類



鵬 產哈薩克部者最佳能搏小鹿黃羊狐兔不足論也

塔爾巴哈台伊犁厄魯特多畜之南路回部阿奇木

等亦有畜鵬回戶以獵狐黃羊等畜又烏里雅蘇台

科布多等處產鵬數種有芝麻鵬虎斑鵬皂鵬其翮

翎可為箭羽惟獵之以取其翎人家不能畜也

鷹 南北路多畜 雁 南北路俱有往往弋取之 鵲

之以搏雉兔 烏魯木齊亦取雛家伏之 鵲

黑雀 善鳴毛黑 鴿 灰白花 雀 金翅 似雀而小黃

鳩 南北路俱有 烏 鴟 葉爾羌喀什 燕 南北路

惟回城最多 烏 鴟 葉爾羌喀什 燕 南北路

結巢屋梁伏雛亦 野雞 烏魯木齊一帶山中獵得

以春社來秋社去 野鴨 者最肥美歲例充 頁嘉

慶十年奉 旨 野鴨 半翅 沙雞 灰色似雞

停止呈進 野鴨 半翅 沙雞 灰色似雞

而大足有 鷓 似白鷹南 鬪雞 烏魯木齊 鶴鶉

羽如貓脚 鷓 似白鷹南 鬪雞 烏魯木齊 鶴鶉

雞 鴨 南北 俱有 鷓 似白鷹南 鬪雞 烏魯木齊 鶴鶉

走類 馬 產哈薩克部者為上所謂大宛馬也南路回城多產

赤色棗騮而青色者少巴里坤東廠牧盛濟木薩奇

台牧廠 牛 騾 驢 駝 俱無殊 犬 豕 羊

次之 羊之肥者伊犁為最烏魯 野豬 英吉沙爾 黃羊

木齊暨南路各回城次之 鹿 伊犁圍場得者佳烏魯木齊 麇

多獵取之 虎 伊犁葉爾羌有之他處 不聞常有無林木故也



鼠無處不有  
貓家多  
狼天山中最多  
成羣傷馬

木類

松 巴里坤松樹塘山陰老松徧滿山谷  
又松樹皮可熬成膏名松齡膏治病  
胡桐 本草西域傳云車師國多胡桐注胡桐似桐不似桑故名胡桐蟲食其樹而汁出下流者俗名胡桐淚其入土石成塊者名胡桐鱗今南路回疆處處有之  
楊 柳 榆 桃 杏 梨 毆朴 蘋  
婆 核桃 柏 娑羅樹 葉爾羌署內一株最高大他處無之

果類

葡萄 種類最多出西域者佳又可以造酒  
石榴 桃 杏 梨 西域梨最佳無渣

瓜 有黃綠白瓢三色  
西域回人最佳品  
菴摩羅果 似李又似桃紫赤色佛書云菴摩羅無分曉也

西瓜 烏魯木齊有白瓢者最甘他瓜與內地同  
甜瓜

花類

蓼粟 虞美人 蜀菊 杏 桃 鳳仙 江西臘

菊 鬼子茉莉 金盞 丁香 雞冠 狗尾花

草類

吉集草 處處有之可以為箸長者可織為簾  
細者可織為涼帽  
馬蘭草

蒲草 萱草



穀類

稻

糯瑪納斯水田稻米最佳南路亦有種者

麥南北兩路俱盛

糜穀黃豆

豌豆

芝蔴

苽

青稞

大麥

高粱

菜子

蔬類

白菜

芥

菠薐

韭

葱

蒜

王瓜

茄蘿蔔

蔓菁

沙葱

山藥

蘑菇

菜瓜

芫荽

黃花

魚類

白魚

細鱗魚

鮎魚

小鱚鯉魚

出塔爾巴哈台細而長味與鯉魚同

蟲類

蠖蟻

葉爾羌最多喀什噶爾次之

蚊

喀什沙爾最盛阿克蘇次之

蠅

蜂

蝶



